

Broj: 05-02-4-559/24  
Mostar, 30.04.2024. godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA PARLAMENTA FEDERACIJE BOSNE I HERCEGOVINE  
n/r mr.sci. Izmir Hadžiavić, sekretar

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primijeno: 09-05-2024			
Org. jed.	Broj	Priloga	Vrijednost
05/2	-02-	106	124

**PREDMET: Delegatsko pitanje, odgovor – dostavlja se**

**Veza: Vaš akt broj: 05/2-02-106/24 od 11.03.2024. godine**

Poštovani,

Vašim aktom bliže naznačenim dopisom veze, dostavili ste, na nadležno postupanje, na osnovu čl. 10. i 13. Poslovnika o radu Doma naroda Parlamenta Federacije Bosne i Hercegovine, ovom Ministarstvu ste dostavili delegatska pitanja koje je postavila Sanela Klarić, delegatkinja u Domu naroda Parlamenta Federacije Bosne i Hercegovine.

Delegatskim pitanjima se od ovog Ministarstva i javnih preduzeća JP Elektroprivrede BiH d.d. Sarajevo i JP Elektroprivrede HZHB d.d. Mostar Ministarstva traži **odgovor na slijedeća pitanja**:

- 1. Da li su akti koje treba da prilagodite, ili tek usvojite, kako biste mogli provoditi navedene odredbe zakona, već usvojeni kako bi prosumeri mogli biti priključeni na distributivnu mrežu, u skraćenoj proceduri, već početkom maja kada započinje primjena novog Zakona o korištenju OIEiEK?*
- 2. Ako nisu već sada, da li očekujete da će pomenuti akti biti spremni do roka primjene novog Zakona o korištenju OIEiEK?*
- 3. Ukoliko procjenjujete da neće biti spremni do zadatih rokova, da li smatrate da vam je potrebna tehnička asistencija da prilagodite ili pripremite pomenute akte?*
- 4. S obzirom da je ODS dužan nabaviti i ugrađivati pomenula dvosmjerna mjerila, zanima me da li su ista već nabavljena, a ako nisu u kojoj ste fazi nabavke dovoljnog broja ovih mjerila, kako bi se izbjeglo da ona budu uzrok odlaganja priključenja prosumera.*

**uz obrazloženje:**

S obzirom da novi Zakon o korištenju OIEiEK („Službene novine Federacije BiH“, broj: 82/23) u:

- Članu 46. stav (3) definiše da krajnji kupac električne energije u FBiH stiče status Prosumera priključenjem svoje elektrane te sklapanjem novog ugovora sa nadležnim operatorom distributivnog sistema (ODS) i svojim

snabdjevačem, a član 51. stav (3) istog zakona nalaže ODS-u da propiše pojednostavljene procedure, te

- Članu 47. stav (2) kaže da se mjerenje na mjestu priključenja prosumera vrši dvosmjernim brojilom aktivne električne energije, potrebno je što prije da građani dobiju odgovore na postavljena pitanja.

Kao zastupnici KS ali i delegatu u Domu naroda PS FBiH, koja ima obavezu i dužnost da predstavlja glasače, odnosno, građane na teritoriji cijele FBiH. postavljena su mi brojna pitanja zabrinutih građana, naivše privrednika, koju su ili već izgradili svoje objekte na krovovima svojih privrednih objekata i privatnih kuća, te željno iščekuju termin početka primjene novog Zakona o korištenju OIEiEK. Naime, sada trenutno njihove elektrane rade potpuno odvojeno od distributivnog sistema i mnogo električne energije koju te elektrane stvaraju im propada, jer ne mogu da funkcionišu kao prosumeri. odnosno, ne mogu da dnevne viškove predaju u distributivnu mrežu. U razgovoru sa njima sam dobila dojam da imaju saznanja da ODS neće biti spreman da primjenjuje odredbe novog zakona od predviđenog početka njegove primjene, i to baš one koje se odnose na priključenje prosumera, te da je slična situacija i sa odjelom vaših kompanija zaduženih za snabdijevanje. Pošto je novi zakon dao jasne rokove za izradu svih podzakonskih, odnosno, provedbenih akata, smatram da je krajnje vrijeme da upoznate javnost dokle ste stigli u pripremi vaše kompanije za provedbu novog Zakona o korištenju OIEiEK.

Naši privrednici već su izloženi značajnom finansijskom pritisku kredita iz kojih su pravili elektrane, jako velikom kašnjenju u donošenju zakona, te najmanje što država može učiniti za njih je pobrinuti se da njene institucije i svi akteri u sektoru energije sa većinskim državnim vlasništvom svoje obaveze iz novog paketa zakona iz sektora energije obave na vrijeme kako bi se zakoni mogli primjenjivati kada je to njima i predviđeno. Koliko je meni poznato rad na zakonskim aktima u institucijama FBiH teče ubrano i može se očekivati usvajanje svih ostalih podzakonskih akata na vrijeme.

U skladu sa postavljenim delegatskim pitanjima, ovo Ministarstvo je, aktom broj: 05-02-4-559/24 od 21.03.2024. godine, zatražilo od Regulatorne komisije za energiju u Federaciji BiH, Operatora za OIEiEK, JP Elektroprivrede BiH d.d. - Sarajevo i JP Elektroprivrede HZ HB d.d. Mostar, da u okviru svojih nadležnosti kao i obaveza proisteklih iz Zakona o korištenju obnovljivih izvora energije i efikasne kogeneracije („Službene novine Federacije BiH“, broj: 82/23 – u daljnjem tekstu: Zakon), dostave odgovore na delegatska pitanja.

U skladu sa odgovorima dostavljenim aktima Regulatorne komisije za energiju u Federaciji BiH (u daljnjem tekstu: FERK) broj: 04-45-409-2/24 od 27.03.2024. godine, Operatora za OIEiEK broj: 02-345-1/24 od 28.03.2024. godine, JP Elektroprivrede BiH d.d. - Sarajevo broj: 01-03-11031-1/24 od 01.04.2024. godine i JP Elektroprivrede HZ HB d.d. Mostar broj: I-2336/24 od 26.03.2024. godine, koje Vam dostavljamo u prilogu, kao i aktivnostima koje ovo Ministarstvo provodi kao službeni obrađivač Zakona, kao i Zakona o električnoj energiji Federacije Bosne i Hercegovine („Službene novine Federacije BiH“, broj: 60/23), u nastavku dostavljamo tabelarni prikaz propisa koji trebaju biti doneseni, kao i odgovore po dostavljenim delegatskim pitanjima: